



**VACATION
SPECIAL**
**Malcria bo mes
den vakantie**
**3 medium, 2 topping pizza
pa 15 florin cada un!**

 Palm Beach / Hotel Area
586-0333
Playa / Tanki Leendert
582-0333
Santa Cruz - 585-0555
Savaneta - 584-0444

**Get the door.
It's Domino's.®**

Señora Enid Croes -Marugg oficialmente instala como presidente di Quota International Inc.



ORANJESTAD (AAN): Manera ta conoci Señora Enid Croes-Marugg a keda oficialmente instala como Presidente di Quota International Inc. durante e dia final



di e convencion cu a tuma lugar na Gold Coast na Australia dia 24 di juli ultimo.

Esaki sigur ta un logro grandi pa señora Enid

Croes-Marugg pero tambe pa Aruba. E anochi final di e seminario, e hymno di Aruba a worde toca den honor di Señora Croes-Marugg su patria

y despues a sigui un ceremonia chikito na unda el a worde presenta como e presidente nobo di e organizacion Quota International Inc. mundialmente.

Pa e presentacion aki, el a presenta un video special na unda a presenta panoramanan hopi bunita di Aruba y na unda a presenta e hubentud y trabaonan di Enid na Aruba pero tambe internacionalmente den servicio pa comunidad. Hopi ta esnan cu pa prome biaha a tende di Aruba na e convencion aki na Australia.

E anochi a continua cu un toque Caribense na unda un banda special di musiconan a toca canticnan caribense pa e publico. Un cancion cu a toca y cu, a causa hopi sensacion ta esun di "Jump with the Towel". Un total di mas di 600 persona a goza di e musica y den e sala na unda nan a tuma nan servette di riba mesa pa nan swing riba e ritmonan di Carnaval. Tambe e delegacion cu a

Sigui lesa Pg. 58

Continuacion pagina 39

acompanja Enid a hiba bolo preto y "sample" di crema y shampoo di Aruba Aloe Balm como regalo pa esnan presente. Un y tur a sinja conoce nos isla y te na e otro bandi di mundo a haya sa na unda nos ta situa y di nos cultura.

Enid a demostra durante di e añanan di ta un bon representante di nos isla y

tambe a haci hopi trabao pa e organizacion Quota International den cual el a carga posiconnan hopi importante tanto den e club local, den districto e internacional. Enid ta goza di un respet hopi grandi y e ta un persona cu ta un embahadora di Aruba tambe ora e ta den exterior. Ademas di ta awor e presidente Internacional di Quota

Inc., un organizacion cu ta traha den diferente continentenan di e mundo pa yuda esnan cu problema cu Oido y Habla, muchanan y nos hende muhernan menos afortuna rond mundo, e ta bay ta hibando e nomber di Aruba mas aya.

Den algun continente y na algun paisnan ainda Aruba no ta conoci y esaki ta haci e trabao di Enid uno sumamente grandi y cu retonan grandi su dilanti. Entre otro e lo tin proyectonan grandi di coordina na lugarnan manera India y Filipinas.

Durante e instalacion oficial na unda representantenan di diferente paisnan tabata presente, pa felicita Enid, a

FOR SALE BY OWNER nice and spacious home on property land in Wayaca Residence 533m² New Construction of 160m²

inch 3 bedroom, 2½ bathroom, patio, nice garden, car garage, residence area, completed fenced

For info: gustavorf@cantv.net
Tel Venezuela 00-58 414 360 3260
Tel/Fax: 58 261 742 8960 / 58 261 742 8838

US\$268.000=



yega felicitacionnan tambe di Aruba mes. Señora Alexia Semeleer, presidente di Quota Internacional di Aruba a lesa varios cartanan di felicitacion cu a yega pa Enid. Un di e felicitacionnan tabata di Su Excelencia Gobernador di Aruba, Sr. Fredis Refunjol cu a expresa:

"...éxito den e reto nobo den e funcion. Tambe sabiduria, y satisfaccion den su trabaonan dilanti y cu e alcanza su metanan den su año presidencial.

Prome Ministro di Aruba a expresa su palabranan di felicitacion den nomber di e pueblo di Aruba: Gobierno di Aruba kier a felicita señora Croes Marugg pa e logro importante aki. E éxito aki

den carera ei señora Croes Marugg lo mester trece alegría y orguyo pa Aruba, como miembro di su comunidad, ta worde reconoci den e posicion prestigioso aki.

Camara di Comercio E industria di Aruba a skirbi: Señora Enid Croes Marugg ta conoci como un miembro ehemplar di nos comunidad di comercio. E Camara di Comercio tin confianza den su compromiso di liderazgo di Quota Internacional y e desaroyo di su mision den mundo. Camara di Comercio ta sigur cu lo e ta un embahador di nos isla, su economia y su hendenan.

Otro clubnan na Aruba, manera Rotary, Roteract, y Women's Club di Aruba, tambe a manda nan felicitacion pa señora Enid Croes Marugg. Presidente di Women's Club di Aruba a skirbi: Mi kier a extende mi mas sincero palabranan di pabien na Señora Enid Croes Marugg cu su instalacion como Presidente di Quota Internacional mundialmente y nos kier a desee Salud, Sabiduria y Curashi.

E miembronan di Rotary Club di Aruba a menciona entre otro: Nos ta hopi contento cu su logro y ta tuma e oportunidad pa desea Enid un año hopi exitoso. Durante henter e año cu bo lo cargo bo presidencia y bo metanan, nos lo ta bogando pa bo.

Tanto Señora Enid como su esposo Robert Croes ta na Australia ainda pa varios compromisonan y asina tambe e delegacion di miembronan di Quota International of Aruba cu lo bolbe Aruba fin di e siman aki.